



Broj: 01-22/24
Vareš, 31.01. 2024. godine

Na osnovu člana 22., a u vezi sa članom 57. stav 3. Statuta Općine Vareš – prečišćeni tekst, broj: 01-162/12 od 11.09. 2012. godine, Općinsko vijeće Vareš na 32. sjednici održanoj 31.01.2024. godine, d o n o s i

O D L U K U

o raspoređivanju sredstava za finansiranje rada mjesnih zajednica

Član 1.

Ovom Odlukom raspoređuju se sredstva za finansiranje rada mjesnih zajednica općine Vareš.

Sredstva iz stava 1. ovog člana osiguravaju se u Budžetu Općine Vareš – ekonomski kod: 614117 u iznosu od 40.000,00 KM (slovima: četrdeset hiljada konvertibilnih maraka).

Član 2.

Sredstva iz člana 1. ove Odluke raspoređuju se na način da se svim aktivnim mjesnim zajednicama općine Vareš isplaćuje po 500,00 KM (slovima: pet stotina konvertibilnih maraka).

Sredstva iz stava 1. ovog člana mjesne zajednice koriste za finansiranje tekućih troškova (nabavku kancelarijskog materijala, plaćanje računa, izradu i ovjeru završnog računa mjesne zajednice i dr.) i rad organa mjesnih zajednica – predsjednika i savjeta (troškovi službenih putovanja: seminari, edukacije, obuke, sastanci i dr.).

Član 3.

Sredstva iz člana 2. ove Odluke isplatit će se na žiroračune mjesnih zajednica i to u dva dijela, prvi dio u prvoj, a drugi dio u drugoj polovini fiskalne godine.

Za 24 (dvadeset i četiri) aktivne mjesne zajednice po osnovu iz člana 2. ove Odluke, isplatit će se ukupno 12.000,00 KM (slovima: dvanaest hiljada konvertibilnih maraka).

O dodjeli sredstava Općinski načelnik donosi Zaključak.

Član 4.

Preostala sredstva na ekonomskom kodu: 614117 u iznosu od 28.000,00 KM (slovima: dvadeset i osam hiljada konvertibilnih maraka), predstavljaju sredstva za interventno djelovanje i Općinski načelnik će ih dodjeljivati u toku fiskalne godine prema pisanim zahtjevima mjesnih zajednica.

Zahtjev mora biti detaljno obrazložen uz obavezno navođenje elemenata hitnosti uključujući i iznos traženih finansijskih sredstava.

O dodjeli interventnih sredstava Općinski načelnik donosi Zaključak i potpisuje ugovor sa mjesnom zajednicom o dodjeli sredstava.

Član 5.

Sredstvima iz člana 4. ove Odluke, finansirat će se hitne sanacije oštećenja na društvenim domovima, grobljima/mezarjima, spomen-obilježjima, putnoj i drugoj infrastrukturi u mjesnim zajednicama izazvanih prirodnim i drugim nepogodama.

Član 6.

Mjesne zajednice su dužne izvršiti pravdanje i dostaviti izvještaj o utrošku sredstava dodijeljenih u toku fiskalne godine.

Izvještaj i pravdanje iz stava 1. ovog člana se dostavljaju Službi za privredu, finansije i trezor Općine Vareš najkasnije do 15. marta naredne fiskalne godine.

Mjesnim zajednicama koje ne postupe u skladu sa odredbama ovog člana, neće biti odobrena sredstva u narednoj fiskalnoj godini.

Član 7.

Za realizaciju ove Odluke zadužuju se Općinski načelnik, Služba za privredu, finansije i trezor i Služba za opću upravu, društvene djelatnosti i boračko-invalidsku zaštitu.

Član 8.

Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆA
OPĆINSKOG VIJEĆA**

Mahira Brkić

Odluka objavljena na oglasnoj tabli Općine Vareš dana 01.02. 2024. godine.

OPĆINSKI NAČELNIK

Zdravko Marošević

O b r a z l o ž e n j e

Odluke o raspoređivanju sredstava za finansiranje rada mjesnih zajednica

1. Pravni osnov

Pravni osnov za donošenje ove Odluke sadržan je u člana 22. i članu 57. stav 3. Statuta Općine Vareš – prečišćeni tekst, broj: 01-162/12 od 11.09. 2012. godine

2. Razlog za donošenje

Donošenjem ove Odluke ispoštovat će se odredbe člana 57. Statuta Općine Vareš – prečišćeni tekst, broj: 01-162/12 od 11.09. 2012. godine.

3. Finansijska sredstva

Za sprovođenje ove Odluke sredstva će se osigurati u Budžetu Općine Vareš – ekonomski kod: 614117 u iznosu od 40.000,00 KM (slovima: četrdeset hiljada konvertibilnih maraka).

PREDLAGAČ:
OPĆINSKI NAČELNIK

Zdravko Marošević